

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 391823 21 St
Tuzla, 10.01.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **“KONKRIT“ d.o.o. za proizvodnju, usluge, promet i građenje, ul. Gornja Orahovica bb, Gračanica**, nakon provedenog stečajnog postupka donio je dana 10.01.2022. godine slijedeće

R J E Š E N J E

DIREKTNO SE OTVARA stečajni postupak nad imovinom dužnika **“KONKRIT“ d.o.o. za proizvodnju, usluge, promet i građenje, ul. Gornja Orahovica bb, Gračanica**, matični broj subjekta 32-01-0117-08 ,JIB: 4209896020006, račun broj: 1610250023130085 otvoren kod Raiffeisen bank BH d.d Sarajevo.

Za stečajnog upravnika imenuje se Besim Hamidović, Križevići 173, 75404 Gušteri, Republika Srpska.

ZAKLJUČUJE SE stečajni postupak nad imovinom dužnika **“KONKRIT“ d.o.o. za proizvodnju, usluge, promet i građenje, ul. Gornja Orahovica bb, Gračanica**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 L 391823 20 L od 12.01.2021. godine, otvoren je likvidacioni postupak nad imovinom društva **“KONKRIT“ d.o.o. za proizvodnju, usluge, promet i građenje, ul. Gornja Orahovica bb, Gračanica**, a za likvidacionog upravnika imenovan je advokat Enver Hogić punomoćnik društva likvidacionog dužnika.

Oglas o otvaranju likvidacionog postupka, kojim se pozivaju povjerioci da prijave svoja potraživanja, objavljen je u Službenim novinama F BiH broj 5/21 dana 20.01.2021. godine i na oglasnoj ploči suda dana 20.01.2021. godine.

U zakonskom roku pristigle su prijave potraživanja povjerilaca: Porezna uprava F BiH KPU Tuzla od 20.02.2021. godine u iznosu od 57.141,99 KM, Porezna uprava F BiH KPU Tuzla, Porezna ispostava Gračanica od 03.02.2021. godine u iznosu od 2.034,29 KM, Federalni zavod za MIO PIO Mostar KAS Tuzla u iznosu od 16.371,64 KM i Uprava za indirektno oporezivanje BiH RC Tuzla od 24.02.2021. godine u iznosu od 9.348,76 KM.

Na ispitnom i izvještajnom ročištu održanom dana 22.04.2021. godine, likvidator je priznao potraživanja povjerilaca, ali je istakao da društvo na dan sačinjavanja izvještaja od strane likvidatora ne posjeduje nikakvu imovinu. Obzirom da društvo nema imovine radi namirenja potraživanja povjerilaca i troškova postupka, predložio je sudu da postupi shodno odredbi člana 9. stav 2. Zakona o likvidacionom postupku, na način da obustavi likvidacioni postupak i izjašnjenje likvidatora smatra prijedlogom za direktno otvaranje stečajnog postupka.

Imajući u vidu da u smislu odredbe člana 2. stav 1. Zakona o likvidacionom postupku, propisano je da se postupak likvidacije provodi radi namirenja svih povjerilaca pravnog lica, unovčenju njegove imovine, a kako likvidacioni dužnik prema izjavi i dostavljenom izvještaju od strane likvidatora ne posjeduje imovinu koja bi činila likvidacionu masu za namirenje potraživanja povjerilaca, sud je dana 22.04.2021. godine donio rješenje kojim se obustavlja likvidacioni postupak, koje rješenje je objavljeno u Službenim novinama broj 35/21 od 05.05.2021. godine i postalo pravosnažno dana 18.05.2021. godine.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), sud je rješenjem od 23.07.2021. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.000,00 KM na ime otvaranja stečajnog postupka, iz kojeg predumljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 61/21 dana 04.08.2021. godine, oglasnoj tabli suda dana 26.07.2021. godine i na web stranici suda.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA

Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.